



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

V. Quo tempore cœperit Baptismus esse necessarius.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

ficacissimè prouidit. Proinde omnes, qui in infantia moriuntur, si prædestinati sint, sine dubio baptizantur, & contraria reprobisint, non baptizantur.

CAPUT QVINTVM.

Quo tempore cœperit Baptismus esse necessarius.

 Vo tempore cœperit Baptismus esse necessarium, quæstio est inter Theologos. Sed quia non est controuersia cum hæreticis, exponam solum paucis propositionibus, quæ mihi esse probabilius sententia videatur.

PRIMA propositio: *Baptismus ante passionem Domini institutus est.* Nota, negari non posse, quin aliquem baptismum Christus in vnu habuerit ante passionem. Nam Ioan. 3 & 4. dicitur Christus baptizasse per discipulos suos. Sed dubium esse potest, an ille Baptismus fuerit Sacramentum illud, quod nunc habemus, & de quo fit mentio Matth. vlt. an vero fuerit præparatio quædam ad Baptismi Sacramentum postea instituendum, ut erat Baptismus Ioannis. Et quidem C. R. V. S. O. T. O. M. V. S. homil. 28. in Ioan. & Theophylactus in cap. 3. Ioan. apertè docent Baptismum illum, quo discipuli Christi baptizabant, Ioan. 3. non remisisse peccatum, & fuisse in aqua tantum sine Spiritu; nec ullam fuisse differentiam inter Baptismum discipulorum Christi, & Ioannis, sed utrumque fuisse præparationem ad fidem: & id est Christum non baptizasse per se, sed per discipulos, quia non decebat eum baptizare sine Spiritu. Idem videtur sentire S. Leo epist. 4. ad Episcopos Sicilie, cap. 3: Ipsa, inquit, operis qualitas docet celebrandæ generaliter gratia eum esse legitimum diem, id est, diem Resurrectionis, in quo orta est et virtus munera, et species actionis. Ad cuius rei confirmationem plurimum valet, quod ipse Dominus Jesus Christus, poste aquam resurrexit a mortuis, discipulis suis, in quibus omnes Ecclesiarum praefuses docebantur, et formam, et potestatem tradidit baptizandi, dicens: Euntes ergo nunc docete omnes gentes, baptizantes eos, in nomine Patris, et Filii, et Spiritus sancti. De quo utique eos etiam antepositionem potuisse instruere, nisi propriè voluisse intelligi, regenera-

enerationis gratiam ex sua Resurrectione cœpisse. Hæc ille. Probabilius tamen est, quod nos diximus. Quod ex professis docent Cyrillus lib. 2. in Ioan. cap. 57. & sequentibus, & Augustinus tract. 13. & 15. in Ioan. & epist. 108. ad Seleucianam, & Hugo de S. Victore, lib. 2. de Sacramentis, part. 6. cap. 4.

Est hæc communior Theologorum sententia, cum Magistro in 4 dist. 3. Et ratio est. PRIMO, quia Ioan. 3. dicitur Christus baptizasse, cum tamen non ipse baptizaret, sed discipuli eius, ut ibidem adiungit Euangelista. Ergo ille Baptismus erat propriè Christi Baptismus, ut distinguitur à Baptismo Ioannis; alioqui non ipse, sed Ioannes diceretur baptizasse eos, quos discipuli Christi baptizabant. Si autem erat propriè Christi Baptismus, necessariò erat in aqua, & spiritu, non in sola aqua. Semper enim Scriptura ponit hoc discrimen inter Christum, & Ioannem, quod iste in aqua, ille non in sola aqua, sed etiam in Spiritu baptizaret. Nec decebat ut Christus institueret in anem cærementiam, aut munus Ioannis sibi usurpare, nimirum baptizandi in sola aqua. Adde, quod Ioan. 1. dicitur de Christo in præsenti: *Hic est, qui baptizat in Spiritu sancto.*

SECUNDO probatur hoc idem, quia Actor, 19. legimus rebaptizatos, quos Ioannes, baptizauerat. At nusquam legimus rebaptizatos, quos discipuli Christi ante passionem eiusdem baptizauerant. Immò probabilissimum est (ut Augustinus docet in epist. 108.) Apostolos non fuisse baptizatos, nisi ante Christi passionem.

TERTIO Patres communi consensu docent, Christum, cum baptizaretur in Jordane dedisse aquis vim sanctificandi, ut patet ex Tertulliano libro contra Iudæos, cap. de passione; ex Hilario can. 2. in Matth. Ambrosio lib. 2. in Luc. cap. 12. Hieronymo in Dialogo contra Luciferianos; Nazianzeno in oratione in sancta Lumina; Beda in cap. 3. Luc. & ex aliis. At certè non habuerunt aquæ vim sanctificandi, nisi ab eo tempore, quo cœperunt esse materia Baptismi.

DENIQUE fundamentum contraria sententia non est solidum. Solum enim adferunt Chrysostomum & Theophylact. in illud Ioan. 7. *Nondum erat Spiritus datus, quia nondum Iesus erat glorificatus.* At hic locus intelligitur de plenitudine Spiritus sancti, quæ dari cœpit visibiliter in Pentecôte,

ste; alioqui enim omnes sancti habuerunt spiritum sanctum, etiam ante Christi passionem.

S E C U N D A propositio: *Baptismus Christi institutus est, quando Dominus ipse in Jordane à Ioanne baptizatus est.* Nota de hac re, id est, quo puncto temporis Christus Baptismum instituerit, esse plurimas opiniones Scholasticorum, id communiorem, & probabiliorem esse, quam nos sequimus, quam etiam amplectitur Catechismus Concilij Tridentini, & Magister cum S. Thoma, & aliis lib. 4. dist 3.

N O T A præterea, non velle nos dicere, Christum in die sui Baptismi verbis docuisse materiam, aut formam Baptismi; id enim falsum est; sed tum primum statuisse, ac decreuisse, quod postea declarauit Ioan. 3. Nicodemo, & alio tempore suis discipulis; ut aqua esset materia Baptismi, & ut forma esset innotatio trium diuinarum personarum. Determinauit enim aquas, & Baptismi materiam, cum eas tactu mundissime canis suæ, consecrare, & illustrare dignatus est, ut docent patres citati. Et simul determinauit formam, cum in eius Baptimate tota Trinitas sensibiliter apparuit, ut pater Matt., Christo enim baptizato aperti sunt coeli, & vox Patris intonuit; & Spiritus apparuit in specie columbae, & Filius ipse Dei in carne assumpta praesens erat; ubi etiam simul (Hilario teste loco citato) declaratus est effectus Baptismi a Christo instituti, nimirum, quod baptizatis aperitur cœlum, & à Patre in Filios adoptantur, & Spiritu sancto replentur, &c.

T E R T I A propositio: *Baptismus Christi non fuit necessarius, necessitate medijs, ut precepti ante Christi mortem.* PROBATOR, quia usque ad Christi mortem lex antiqua vim suam retinuit, ut patet, quia Christus eam seruauit usq; ad mortem. Nam pridie quam pateretur, seruauit ceremoniam agni Paschalis. & Matth. 23, monebat homines, ut seruarent, & facerent, quæ scribæ, & Pharisei docebant ex cathedra Mosis; ergo etiam Circumcisio, si in remedium peccati data fuerat, usq; ad Christi mortem vigebat. Non igitur toto eo tempore Baptismus Christi necessarius erat ut medium ad salutem, quandoquidem sine eo poterant homines, etiam parvulius stificari. Quare illud Christi verbum Ioan. 3. *Nisi quis renatus fuerit, &c.* non significat ab eo die, quo Dominus cum Nicodemo loquebatur, fuisse Baptismum necessarium, sed significat

eat necessarium futurum fuisse in lege noua, postquam cessarent cæmoniæ legales, ut rectè exponit Bernardus epist. 77. ad Hugonem. Et codem modo exponendum est, quod ait Fulgentius lib. de fide ad Petrum, cap. 3. ex quo tempore dictum est: *Nisi quis renatus fuerit, neminem sine Baptismo possit salvare.* Accipit enim nomine temporis, non illum diem, quo dicebantur, sed tempus legis nouæ. Denique illud etiam Lxx. 16. *Lex & Prophetæ usq; ad Ioannem;* non significat tunc legem cessasse, quoad vim, aut obligationem, sed quoad prædicationem: Ioannes enim fuit ultimus Prophetarum. Vnde subiungitur: *Ex eo regnum Dei euangelizatur.* Præterea in morte Christi cessauit efficacia cæmoniarum, & totius legis veteris; ergo cessauit etiam vis Circumcisionis; ergo usque ad illud tempus vim habuit lex vetus. Porro in morte Christi cessasse vim legis, patet ex Euangelio Matth. 27. *Scissum est velum.* & Ioan. 19. *Consummatum est.* Item ex Apostolo Rom. 7. *Mortificati estis legi per corpus Christi.* Item omnes ferè cæmoniæ legis figuræ erant Christi, Coloss. 2. & Hebr. 10. Christus autem in morte compleuit opus redemptionis.

QUARTA propositio: *Baptismus Christi cœpit esse necessarius necessitate medy, & præcepti à die Pentecostes.* NOTA, legem veterem simpliciter cessasse in morte Christi, qui atunc cessauit vniuersaliter ratio legis; tamē ob ignorantiam huius rei adhuc obligasse Iudeos, usq; ad publicam promulgationem Euangelij: & contrà legem Euangelicā, & Sacra menta Christiana condita fuisse, & multum profuisse etiam ante Christi mortem, tamen non habuisse vim præcepti, nisi post promulgationem solennem, vt Conciliū Tridentinum, less. 6. cap. 4. dicit de Baptismo. Et ratio est, quia promulgatio est de essentiâ legis, vt s. Thomas docet, part. 2. quæst. 90. art. 4. Promulgatio autem solennis nouæ legis facta est in die Pentecostes. Quod probatur PRIMO, quia, vt diximus, lex vetus viguit usque ad Christi mortem: ab eo autem tempore usque ad Pentecostem, neque Christus, neque Apostoli publicè ad populum loquuti sunt. SECUNDO, non debuit promulgari solenniter lex noua, nisi completis omnibus mysteriis redemptiōnis; mysteria ante completa sunt in Ascensione Christi. TERTIO, lex vetus solenniter promulgata fuit in monte Sina die quinquagesimo post primum Pascha Iudeorum; ergo lex noua pro-

va promulgari debuit die quinquagesimo post primum Pa-scha Christianorum. Fuisse enim illam legis promulgationem, figuram promulgationis Euangelij, docent Augustinus epis. 119. Leo serm. 1. de Pentecoste, & alii. QVARTO, co-
tioni prima, quam habuit S. Petrus Actor. 2. ipso die Pente-
costes, conueniunt omnes conditiones promulgationis solen-
nis. Nam habita est in urbe Regia Hierosolymorum, pia-
tribus omnibus hominibus omnium nationum, ut Lucas
statur, a summo Praecone Euangelij, qui erat Apostolus Pe-
trus, & in ea concione comprehensa sunt principia capita to-
tius doctrinæ Euangelicæ. Denique continuo etiam capi-
tus Sacramentorum.

CAPUT SEXTVM.

De Baptismo sanguinis, & flaminis.

 VOD attinet ad POSTREMAM partem dispu-
tationis de necessitate Baptismi, quæstio est, an Ba-
ptismus aquæ suppleri possit per Martyrium, sam-
in paruulis, quam in adultis; & per veram cordis
Conversionem in adultis.

Martinus Kemnitius in 2. part. Examinis, pag. 90. 91. & 92.
admittit hæc tria Baptismata, ac dicit, ab antiquis venusti-
stincta esse tria Baptismata, sanguinis, flaminis, & fluminis.
Sed dissentit a Catholicis in modo explicandi: non enim vult
Martyrium aut Ecenitentiam remittere peccata, vt facit Ba-
ptismus aquæ, sed solam fidem, quæ tempore Martyrii & Pe-
nitentiae, apprehendit Christum, esse eam quæ iustificat. Illyri-
cus quoque Cent. 5. cap. 4. col. 517. dicit, Prosperum cōtra ver-
bum Dei, & cum magna iniuria Baptismi æquasse Martyrium
Baptismo. Sed Illyricus non adfert argumenta: Kemnitius au-
tem probat, quia Martyrium & Penitentia sunt opera nostra,
absurdum autem, & impium est, opera nostra æquare sangu-
ni Christi, & virtuti Baptismi. Confirmat ex Augustino, qui
lib. 4. contra Donatistas, cap. 22. dicit, bonum latronem, qui
cum Christo pendebat in cruce, non passione sua obtinuisse
remissionem peccatorum, sed ex fide apprehendente Christum,
cuius contrarium docuerat Cyprianus, sed eum Augustinus
loco notato refutauit.

Hæc